


東漢會要
卷二



漢書門類			
二四二六	二四二六	二四二六	二四二六
函	架	冊	類

內閣文庫			
二四二六	二四二六	二四二六	漢書
函	架	冊	類

內閣文庫	
番號	漢 2426
冊數	16 (2)
函號	294 23



東漢會要卷二

宋

徐

天

麟

撰

帝系下

皇太子

世祖建武二年立皇子彊為皇太子

母曰郭皇后


十九年郭

后既廢太子彊意不自安郗惲說太子曰久處疑位上

違孝道下近危殆不如辭位以奉養母氏太子從之數

因左右及諸王陳其懇誠願備藩國上不忍遲回者數

歲六月戊申詔曰春秋之義立子以貴東海王陽皇后



之子宜承大統皇太子彊崇執謙退願備藩國父子之情重久遠之其以彊爲東海王立陽爲皇太子改名莊莊師事博士桓榮學通尙書中元二年二月卽皇帝位是爲孝明皇帝袁宏論曰夫建太子所以重宗統一民心也非有大惡于天下不可移也世祖中興漢業宜遵正道立爲後法今太子之德未虧於外內寵旣多嫡子遷位失矣然東海歸藩謙恭之心弭亮明帝承統友于之情愈篤雖長幼易位興廢不同父子兄弟至性無失以三代之道處之亦何以過乎

明帝永平三年立皇子烜爲皇子太少寬容好儒術明帝器重之十八年八月卽皇帝位是爲孝章皇帝

章帝建初三年四月戊子立皇子慶爲皇太子七年六月廢慶爲清河王立皇子肇爲皇太子章和二年二月卽皇帝位是爲孝和皇帝

和帝元興元年立皇子隆爲皇太子夜卽皇帝位是爲殤帝

安帝永寧元年立皇子保爲皇太子延光三年安帝乳母王聖大長秋江京等與中常侍樊豐閻后妄造虛無

東漢書要 卷二
譖讒太子九月廢皇子為濟陰王明年三月 安帝崩
北鄉侯立濟陰王以廢黜不得上殿及北鄉侯薨車騎
將軍閻顯及江京與中常侍劉安陳達等白太后秘不
發喪而更召立諸王子乃閉宮門屯兵自守中黃門孫
程等十九人共斬江京劉安陳達等迎濟陰王於德陽
殿西鐘下即皇帝位年十一是為孝順皇帝

順帝建康元年四月辛巳立皇子炳為皇太子其年八
月庚午即皇帝位是為孝沖皇帝並帝紀

雜錄

東宮

班彪傳云東宮初建按震為長子震東方也故太子所居稱東宮

舊制太子食湯沐十縣周衛交戟五日一朝因坐東箱
省視膳食其非朝日使僕中允旦旦請問而已明不媿

黯廣其敬也

班彪傳

拜皇太子儀

見禮類

世祖以太子舅陰識守執金吾陰興為衛尉皆輔導太
子識性忠厚入雖極言正議及與賓客語未嘗及國事
帝敬重之上以桓榮為議郎使授太子經使左中郎將
鍾興授太子及宗室諸侯春秋賜興爵關內侯興辭以

无功帝曰生教訓太子及諸王侯非大功耶

顯宗始立爲皇太子選求明經乃擢桓榮弟子何湯爲
虎賁中郎將以尙書授太子世祖從容問湯本師爲誰
湯對曰事沛國桓榮卽召榮合說尙書甚善之

桓榮傳

建武二十八年上大會羣臣問誰可傳太子者羣臣承
望上意皆言太子舅陰識可博士張佚正色曰今陛下
立太子爲陰氏乎爲天下乎卽爲陰氏則陰侯可爲天
下則固宜用天下之賢才帝稱善曰欲置傳者以輔太
子也今博士不難正朕况太子乎卽拜佚爲太子太傅

以博士桓榮爲少傅賜以轎車乘馬榮以太子經學成
畢上疏謝曰臣幸得侍帷幄執經連年而智學淺短无
以補益萬分今皇太子以聰獻之姿通明經義觀覽古
今儲君副主莫能專精博學若此者也斯誠國家福祐
天下幸甚臣師道已盡皆在太子謹使掾臣汜再拜歸
道太子報書曰莊以童蒙學道九載而典訓不明無所
曉識夫五經廣大聖言幽遠非天下之至精豈能與于
此况以不才敢承誨命昔之先師謝弟子者有矣上則
通達經旨分明章句下則去家慕鄉求謝師門今蒙下

列不敢有辭願君謹疾加餐重愛玉體

桓榮傳

永平十五年上使越騎校尉桓郁郎中張酺授太子經二人朝夕侍講勸以經學是時太子家頗爲奢侈酺每正諫甚見嚴憚會平陽公主薨太子同生也哀戚過禮酺以爲太子舉措宜動合禮度因是上疏曰臣伏見皇太子仁厚寬明發言高遠卓然絕異非人所能及也今平陽公主薨悲哀發中形體骨立恩愛惻隱世希似是顧臣愚淺不識大體以爲宜選名儒高行以充師傅問訊起居之日太傅時賜譙所以宣德音以成聖德也侍

中丁鴻仁而有讓達於從政謁者費憚賢性淳篤遵頌

法度如並侍左右必能發起微意增廣微猷者也

袁紀

清河孝王慶母宋貴人有寵肅宗立慶爲皇太子竇皇后寵盛心內惡之日夜毀讚貴人母子遂漸見疏慶出居承祿觀七年遂廢太子慶而立皇太子肇肇梁貴人子也乃下詔曰皇太子有失惑無常之性爰自孩乳至今益章恐襲其母凶惡之風不可以奉宗廟爲天下主大義滅親况降退乎今廢慶爲清河王皇子肇保育皇后承訓懷衽導達善性將成其器蓋庶子慈母尙有終

身之恩豈若嫡后事正義明哉今以肇為皇太子

清河王傳

安帝時皇太子驚病不安避幸安帝乳母野王君王聖

舍太子乳母王男厨監邴吉等以為聖舍新繕修犯土

禁不可久御聖及其女永與大長秋江京及中常侍樊

豐王男邴吉等互相是非聖永遂誣譖男吉皆幽囚死

家屬徙比景太子及東宮官屬帝息京豐惧有後害妄

造虛無間讒太子及東宮官屬帝怒召公卿以下會議

廢立耿寶等承旨皆以為太子當廢太僕來應與太常

桓焉廷尉張皓議曰經說年未滿十五過惡不在其身

且男吉之謀皇太子容有不知宜選忠良保傅輔以禮

議廢置事重此誠聖恩所宜宿留帝不從是日遂廢太

子為濟陰王時監太子家小黃門籍建中傳高梵等皆

以无罪徙朔方歷乃要結光祿勳被諷宗正劉璋將作

大匠薛皓侍中閭邛宏陳光趙代施延太中大夫朱偃

第五頡中散大夫曹成諫議大夫李尤符節令張敬持

書侍御史龔調羽林右監孔顯城門司馬徐崇衛尉守

丞樂闡長樂未央廢令鄭安世等十餘人俱詣鴻都門

證太子無過龔調據法律明之以為男吉犯罪皇太子

不當坐帝與左右患之乃使中常侍奉詔脅羣臣曰父子一體天性自然以義割恩爲天下也歷諷等不識大典而與羣小共爲謹譁外見忠直而內希後福飾邪違義豈事君之禮朝廷廣開言事之路故且一切假貸若懷迷不反常顯明刑書諫者莫不失色薛皓先頓首曰固宐如明詔歷怫然廷詰皓曰屬通諫何言而今復背之大臣乘朝車處國事固得輾轉若此乎乃各稍自引起歷獨守闕連日不肯去帝大怒乃免歷兄弟官削國租歷遂杜門不與親戚通時人爲之震慄

來歷傳

安帝廢皇太子爲濟陰王廷尉張皓與太常桓焉太僕來歷廷車之不能得皓退而上疏曰昔賊臣江充造間讒逆至今戾園與兵終及禍難後壺門三老一言上乃覺悟雖追前失悔之何逮今皇太子春秋方始十歲未見保傅九德之儀宜簡賢輔就成聖質書奏不省

張皓傳

順帝擢种暠監太子于承光宮中常侍高梵從中單駕出迎太子時太傅杜喬等疑不欲從惶惑不知所爲暠乃手劍當車曰太子國之儲副人命所係今常侍來無詔信何以知非奸邪今日有死而已梵辭屈不敢對馳

奏之詔報太子乃得去神鬻傳

皇子

光武十一子郭皇后生東海恭王彊沛獻王輔濟南安
王康阜陵質王延中山簡王焉許美人生楚王英光烈
皇后生顯宗東平憲王蒼廣陵思王荆臨淮懷公衡琅
邪孝王京明帝九子賈貴人生章帝陰貴人生梁節王
暢餘七王十乘哀王建陳敬王羨彭城靖王恭樂成靖
主黨下邳惠王衍淮陽頃王昞濟陰悼王長本書不載
母氏章帝八子宋貴人生清和孝王慶梁貴人生和帝

申貴人生濟北惠王壽河間孝王開餘四王千乘貞王

伉平春悼王全城陽淮王淑廣宗殤王萬歲不載母氏

和帝一子平原懷王勝並列傳

宗室

宗室卿掌序錄王國嫡庶之次及諸宗室親屬遠近郡
國歲因計上宗室名籍若有犯法當髡以上先上諸宗

正宗正以聞乃報決胡廣曰又歲一治諸王世譜差序秩第見百官志

和帝元興元年宗室以罪絕者悉復屬藉永元十五年
孝章陵祠舊宅會宗室於舊廬勞賜作樂順帝永建元

年宗室以罪絕者皆復屬藉陽嘉元年宗室絕屬藉者

一切復藉並紀封爵宗室見封進門

公主

南頓君三女

湖陽長公主黃不言所適史闕文後倣此新野公主適鄧晨

寧平長公主伯姬適李通

世祖五女

武陽長公主義王適梁松 涅陽長公主中禮適竇

固 館陶公主紅夫適韓光 涇陽公主禮劉適

郭璜 酈邑公主綬一作綬適陰豐

顯宗十一女

獲嘉長公主姬適馮柱 平陽公主奴適馮順 隆

慮公主迎或作延適耿襲 平氏公主次 沁水公

主致適鄧乾 平臯公主小姬適鄧蕃 浚儀公

主致適王度 武安公主惠適來稜 魯陽公主

臣 樂平公主小迎 成安公主小氏

肅宗三女

武德長公主男 平邑公主王適馮由 陰安公主

吉

和帝四女

修武長公主保 共邑公主成 臨潁公主利適賈

建 聞喜公主興

順帝三女

舞陽長公主生 冠軍長公主成男 汝陽長公主

廣

桓帝三女

陽安長公主華適伏完 潁陰長公主堅 陽翟長

公主修

靈帝一女

萬年公主某

漢制皇女皆封縣公主儀服同列侯其尊崇者加號長
公主儀服同蕃王其後安帝桓帝妹亦封長公主同之
皇女其皇女封公主者所生之子襲封為列侯皆傳國
於後並本紀公主所食湯沐曰國百官志諸公主每主家合
一人其餘屬吏增減無常同上

雜錄

桓帝延熹中荀爽對策曰夫婦人倫之始王化之端故
文王作易上經首乾坤下經首咸恒孔子曰天尊地卑
乾坤定矣夫婦之道所謂順也堯典曰釐降二女于媯
汭嬪於虞降者下也嬪者婦也言雖堯帝之女下嫁于
虞猶屈體降下勤修婦道易曰帝乙歸妹以祉元吉婦
人謂嫁曰歸言湯以娶禮歸其妹于諸侯也春秋之義
王姬嫁齊使魯主之不以天子之尊加于諸侯也今漢
承秦法設尙主之儀以妻制夫以卑臨尊違乾坤之道
失陽唱之義孔子曰昔聖人之作易也仰則觀象于天

俯則察法於地觀鳥獸之文與地之宜近取諸身遠取
諸物以通神明之德以類萬物之情今觀法于天則北
極至尊四星妃后察法於地則崑山象夫卑澤象妻觀
鳥獸之文鳥則雄者鳴雌能順服獸則牡爲唱導牝
乃相從近取諸身則乾爲人首坤爲人腹遠取諸物則
木實屬天根荻屬地陽尊陰卑蓋乃天性且詩初篇實
首關雎禮始冠婚先正夫婦天地六經其旨一揆宜改
尙主之制以稱乾坤之性遵法堯湯武是周孔合之天
地而不謬質之鬼神而不疑人事如此則嘉瑞降天吉

符出地五躔咸備各以其敘矣

荀爽傳

內職

周禮王者立后三夫人九嬪二十一世婦八十一女御

以備內職秦并天下多自驕大宮備七國爵列八品

前書

曰漢興因秦之郡號正嫡稱皇后妾皆稱夫人又有美人良人八子七子長使少使之號

漢興因循

其號而婦制莫釐高祖孝文選納尚簡飾玩少華自武

元之後世增淫費至乃掖庭三千增級十四

婕妤一姪娥二容華

三充依四已上武帝置昭儀五元帝置美人六良人七

舞相共和娛靈保林良使夜者十四此六宮品秩同為一等也

妖倖毀政之符外姻亂

邦之迹前史載之詳矣及光武中興築彫為朴六宮稱

號惟皇后貴人貴人金印紫綬奉不過粟數十斛又置

美人宮人采女三等並無爵秩歲時賞賜充給而已漢

法常因八月算人遣中大夫與掖庭丞及相工於洛陽

鄉中閱視良家童女年十三以上二十以下姿色端麗

合法相者載還後宮擇視可否乃用登御所以明慎聘

訥詳求淑哲明帝聿遵先旨宮教頗修登建嬪后必先

合德內無出閫之言權無私溺之授可謂矯其做矣向

使因設外戚之禁編著甲令改正后妃之制貽厥方來

豈不休哉雖御已有度而防閑未篤故孝章以下漸用

色授恩隆好合遂忘淄蠹

皇后紀

鄧太后久臨朝政宮婢

出入其耆宿者皆稱中大人

鄧后傳

女尚書

陳蕃傳注云宮內官也

皇子封王妾數無限別乃制設正適曰妃取小夫人不

得過四十人

百官志注

諸園貴人

諸園貴人

安紀注云謂宮人无子守陵園者也

明帝崩諸貴人當徙居南

宮馬太后感析別之懷各賜王赤綬加安車駟馬白越

三千端雜帛二千匹黃金十斤

馬后紀

和帝葬後宮人並

歸園太后賜周馥貴人策曰朕與貴人託配後庭共歡

等列先帝早棄天下孤心熒熒今當以舊典分國外園

慘結增歎其賜貴人王青蓋車采飾輅驂馬各一駟黃

金三十斤雜帛三千匹白越四千端又賜馮貴人王赤

綬以未有步搖環佩加賜各具

和熹后紀

殤帝延平元年竇太后詔諸園貴人其宮人有宗室同

族若羸老不任使者令園監實覈上召太后自御北宮

增喜觀閱問之恣其去留即日免遣者五六百人

皇后紀

出宮人

殤帝延平元年皇太后詔司徒大司農長樂少府曰朕以无德佐助統政夙夜經營惧失厥衷思惟治道由近及遠先內後外自建武之初以至于今八十餘年宮人歲增房御彌廣又宗室坐事没入者猶託名公族甚可愍焉今悉免遣及掖庭宮人皆爲庶民以舒幽隔鬱滯之情諸官府郡國王侯家奴婢姓劉及疲癯羸老皆上其名務令實悉

紀又袁紀云詔免掖庭宮人六百餘人皆爲庶人

順帝陽嘉中郎顛上疏臣竊見太子未立儲宮無主仰觀天文太子不明熒惑東入軒轅出后星北軒轅者後宮也熒惑者至陽之精也而出入軒轅繞還往來易曰天垂象見凶吉其意昭然可見矣禮天子一娶九女嫡媵畢具今宮人侍御動以千計或生而幽隔人道不通鬱積之氣上感皇天故遣熒惑入軒轅垂象見異人倫主上昔武王下車出傾宮之女表商容之間以理人倫以表賢德故天授以聖子成王是也今陛下多積宮人以違天意故皇嗣多天詩云敬天之怒不敢戲豫方今之福莫若廣嗣廣嗣之術可不深思宜簡出宮女恣其姻嫁則天自降福子孫千億陛下丁寧再三留神于此

郎顛傳

桓帝延熹二年光祿勳陳蕃上書曰比年收歛十傷五六萬人飢寒不聊生活而采女數十食肉衣綺脂油粉黛不可貲計鄙諺言盜不過五女門以女貧家也今後宮之女豈不貧國乎是以傾宮嫁而天下化楚女悲而西宮災且聚而不御必生悲憂之感以致并隔水旱之

因

云陳蕃傳

九年荀爽對策曰臣竊聞後宮采女五六

十人從官侍使復在其外冬夏衣服朝夕稟糧耗費縑帛空竭府藏賦調增倍十而稅一空賦不辜之民以供無用之女百姓窮困于外陰陽隔塞于內故感動乖氣災異屢臻臣愚以爲諸非禮聘未曾幸御者一皆遣出使成配合一曰通怨曠和陰陽二曰省財用實府藏三曰修禮制緩眉壽四曰配陽斯祈螽斯五曰寬役賦安黎民此誠國家之大福也

荀爽傳

東漢會要卷三

宋 徐 天 麟 撰

禮一 吉禮

禮樂

建武五年光武幸太學稽式古典修明禮樂煥然文物

可觀矣 通鑑

曹充持慶氏禮建武中為博士從巡狩岱宗定封禪禮
還受詔議立七廟三雍大射養老禮儀顯宗即位充上
言漢再受命仍有封禪之事而禮樂崩闕不可為後嗣

法五帝不相沿樂三王不相襲禮大漢當自制禮以示首世帝問制禮樂云何充對曰河圖括地象曰有漢世禮樂文雅出尚書璇璣鈴曰有帝漢出德洽作樂名予帝善之下詔曰今且改大樂官曰大予樂詩曲操以俟

君子曹褒傳

永平初是時中興三十餘年四方無虞東平王蒼以天下化平宜修禮樂乃與公卿共議定南北郊冠冕車服制度及光武廟登歌八佾舞語在禮樂輿服志注云其志今七

永平二年上始帥羣臣躬養三老五更于辟雍行大射之禮郡縣道行鄉飲酒于學校于是七廟禮樂三雍之義備矣禮儀志

和帝永元九年張奮上疏曰聖人所美政道至要本在禮樂五經同歸而禮樂之用尤急孔子曰安上治民莫善于禮移風易俗莫善于樂又曰揖讓而化天下者禮樂之謂也先王之道禮樂可謂盛矣孔子謂子夏曰禮以修外樂以制內丘已矣夫又曰禮樂不興則形罰不中州罰不中則民无所措手足臣以為漢當制作禮樂是以先帝數下詔書愍傷崩缺而眾儒不達多駁議異

東漢書卷三
臣累世台輔而大典未定私竊惟憂不忘寢食臣犬馬
齒盡誠冀先死見禮樂之定十三年召拜太常復上疏
曰漢當改作禮樂圖書著明王者化定制禮功成作樂
謹条禮樂異議三事願下有司以時考定昔孝武皇帝
封禪告成而禮樂不定不相副先帝已詔曹褒矣今陛
下但奉而成之猶周公斟酌文武之道非自爲制誠无
所疑久執謙謙合大漢之業不以時成非所以章顯宗
祖功德建太平之基爲後世法帝雖善之猶未施行
傳

張奮

天麟曰自秦燔詩書殺術士而三代之禮樂湮沒不
存高皇帝誅項藉引兵圍魯魯中諸儒尙講習舊禮
絃歌之音不絕此蓋聖人遺化僅存于好學之國者
也而漢初君臣不能博會名儒講習先王制作之本
故叔孫通所起朝儀謂之秦儀雜就往往猶祖而其
尊君卑臣之陋習而樂家但有制氏徒能紀其鏗鏘
鼓舞而已由是稽古禮文之事君子嘆其多闕焉賈
誼請興禮樂而文帝謙遜未遑董仲舒言改制作樂
而武帝征討四夷未暇留意禮文之事雖曰興太學

東漢書 卷三十三
三
修郊祀改正朔定歷數協音律作詩樂建封禪禮百
神紹周後史謂號令文章煥焉可述若足以粉飾治
平矣然甘泉寶奉泰一之祠音律或雜鄭衛之教以
封禪則惑方士之言以宗廟則遺七廟之制大典既
失末節何訊至宣帝時王吉願與大臣延及儒生述
舊禮明王制成帝時劉向因撻爲古磬之出請興辟
雍設庠序隆雅頌之聲盛揖遜之容以風化天下其
言皆寢而不行其後貢禹毀宗廟匡衡改郊兆何武
定三公駸駸向于正諛而數罷數復紛紛不定先漢
禮樂竟有歉焉世祖中興張純定郊廟冠昏之制東
平王創制車服冠冕之儀殘缺之餘賴以正定建武
末年初建三雍顯宗卽位親行其禮天子始冠通天
衣日月備法物之駕盛清道之儀威儀旣盛美矣然
而中和之化未流禮樂之文未備識者猶有憾焉永
平三年始用曹充之言正名大予樂而其說乃出於
尙書璇璣鈴肅宗時曹褒撰次禮制爲百五十篇而
乃雜以五經讖記之文故張酺劾其破亂聖術竟寢
不行雖曹氏父子溺于時好而不能守先儒純正之

東漢書要 卷三
論要亦上之人實有以啟之也故嘗謂禮樂之在天
下有君無臣則不能明制作之本臣能而君不能則
議論無益于當時必得大有爲之君而又有善制作
之臣因治定功成之餘而宣明中和之化則禮樂之
之興庶乎有日矣

禮儀

更始將北都洛陽以光武中司隸校尉時三輔吏士東
迎更始見諸將過皆冠幘而服婦人衣于繡鬢莫不皆
笑之或有畏而走者及見司隸僚屬皆歡喜不自勝老
吏或垂涕曰不徒今日復見漢官威儀由是識者皆屬

心焉

本紀

建武初舊章多闕張純在朝歷世明習故事每有疑議
輒以訪純自郊廟婚冠喪紀禮儀多所正定帝甚重之

張純傳

建武五年修起太學稽式古典籩豆干戚之容備之于
列服方領習矩步者委它乎其中中元元年初建三雍
明帝卽位親行其禮天子始冠通天衣日月備法物之
駕盛清道之儀坐明堂而朝羣后登靈以臺望雲物袒

割辟雍之上尊養三老五更享射禮畢帝正坐自講冠帶縉紳之人園橋門而觀聽者蓋億計

儒林傳序

永平二年時中興三十餘年東平王蒼以為天下化平宜興禮樂乃與公卿共議定南北郊冠冕車服制度

東平

王傳

曹褒少篤志有大度結髮傳父業尤好禮事常感朝廷制度未備慕叔孫通漢禮儀晝夜研精沉吟專思召拜博士會肅宗欲制定禮樂元和二年下詔曰河圖稱赤九會書十世以光十一以興尚書璇璣鈴曰述堯理世

平制禮樂放唐之文予末小子託於數終曷以續興崇宏祖宗仁濟元元帝命驗曰順堯考德題期立象且三五步驟優劣殊軌况予頑陋無以克堪雖欲從之末由也已每見圖書中心慙焉衰知帝旨欲有興作乃上疏曰昔者聖人受命而王莫不制禮作樂以著功德功成作樂化定制禮所以救世俗致休祥為萬姓獲福于皇天者也今皇天降祉嘉瑞並臻制作之符甚于言語宜定文制著成漢禮丕顯祖宗盛德之美章下太常太常巢堪以為一世大典非褒所定不可許帝知羣僚拘攣

東漢書 卷三
雖與圖始朝廷禮憲宜時刊立明年復下詔曰朕以不
德膺祖宗宏烈乃者鸞鳳仍集麟龍並臻甘露霄降嘉
穀滋生赤草之類紀於史官朕夙夜祗畏上无以彰于
先功下无以克稱靈物漢遭秦餘禮壞樂崩且因循故
事未可觀省有知其說者各盡所能褒省詔歎息謂諸
生曰昔奚斯頌魯考雨詠殷夫人臣依豕顯君竭忠彰
主行之美也當仁不讓吾何辭哉遂復上疏具陳禮樂
之本制改之意拜褒侍中從駕南巡既還以事下三公
未及奏詔召元武司馬班固問改定禮制之宜固曰京
師諸儒多能說禮宜廣招集共設得失帝曰諺言作舍
道邊三年不成會禮之家名爲聚訟互生疑異筆不得
下昔堯作大章一夔足矣章和元年正月乃詔褒詣嘉
德門令小黄門持班固所上叔孫通漢儀十二篇勅褒
曰此制散落多不合經今宜依禮條正使可施行于南
宮東觀盡心集作褒既受命乃次序禮事依準舊典雜
以五經識記之文撰次天子至于庶人冠婚吉凶終始
制度以爲百五十篇寫以二尺四寸簡其年十二月奏
上帝以衆論難一故但納之不復令有司平奏會帝崩

和帝即位褒乃作為章句帝遂以新禮二篇冠擢褒監羽林左騎後太尉張酺尚書張敏等奏褒擅制漢禮破亂聖術宜加刑誅帝雖寢其奏而漢禮遂不行褒傳禮記四十九篇教授諸生千餘人慶氏學遂行于世曹褒傳

安帝永初中謁者僕射劉珍校書郎劉騶駮著作東觀

撰集漢記因定漢家禮儀

張衡傳

順帝即位尚書合劉光等奏言孝安皇帝聖德明茂早棄天下陛下正統當奉宗廟而姦臣交讒遂令陛下龍潛藩國羣僚遠近莫不失望天命有常北鄉不永漢德

盛明福祚孔章近臣建策左右扶翼內外同心稽合神明陛下踐阼奉遵鴻緒為郊廟主續祖宗無窮之烈上當天心下厭民望而即位倉卒典章多缺請條案禮儀分別具奏制曰可紀

獻帝建安二年時始遷都于許舊章堙沒書記罕存應劭慨然嘆息乃綴集所聞著漢官禮儀故事凡朝廷制度百官典式多劭所立應劭傳

班固曰世祖受命中興撥亂反正改定京師于土中即位三十年四夷賓服百姓家給政教清明乃營立明堂

辟雍顯宗即位躬行其禮宗祀光武皇帝於明堂養三老五更于辟雍威儀既盛美矣然德化未流洽者禮樂未具羣下无所誦說而庠序尙未設之故也孔子曰辟如爲山未成一匱止吾止也今叔孫通所撰禮儀與律合同錄藏于理官法家又復不傳漢典寢而不著民臣莫有言者又通沒之後河間獻王采禮樂古事稍稍增輯至五百餘篇今學者不能昭見但推士禮以及天子說義又頗謬異故君臣長幼交接之道寢以不章

前漢禮樂

志注云今謂作志時

苑璉論曰漢初天下創定朝制無文叔孫通頗探經禮參酌秦法雖適物觀時有救崩敝然先王之容典蓋多闕文是以賈誼仲野王吉劉向之徒懷憤歎息所不能已也資文宣之遠圖明懿美而終莫或用故知自燕而觀有不盡矣孝章永言前王明發興作專命禮臣撰定國憲洋洋乎盛德之事焉而業絕天算議詘異端斯道竟復墜矣夫三王不相襲禮五帝不相沿樂所以咸莖異調中都殊絕况物運遷回情數萬化制則不能隨其流變品度未足定其滋章斯固世主所當捐益也且樂

非夔襄而新音代起律謝臯蘇而制合亟易修補舊文
獨何猜焉禮云禮云曷其然哉

曹褒傳論

光武即位告天

建武元年光武即位于鄗為擅營于鄗之陽祭告天地
用元始中郊祭故事六宗羣神皆從未以祖配天地共
犢餘牲尚約其文曰皇天土帝后土神祇睠顧降命屬
秀黎元為民父母秀不敢當羣下百僚不謀同辭咸曰
王莽弑竊位秀發憤興義兵破王邑百萬眾于昆陽
誅王即銅馬赤眉青犢賊平定天下海內蒙恩上當天
心下為元元所歸識記曰劉秀發兵捕不道卯金修德
為天子秀猶固辭至于再至于三羣下曰皇天大命不
可稽留敢不敬承

志

郊祀

建武二年正月初制郊兆于雒陽城南七里依鄗采元
始中故事為圓壇八陛中又為重壇天地位其上皆南
鄉西上其外壇上為五帝位青帝位在甲寅之地赤帝
位在丙巳之地黃帝位在丁未之地白帝位在庚申之
地黑帝位在壬亥之地其外為壇重營皆紫以像紫宮

東漢會要 卷三
有四通道以爲門日月在中營內南道日在東月在西
北斗在北道之西皆別位不在羣神列中八陛陛五十
八醜合四百六十四醜五帝陛郭帝七十二醜合三百
六十醜中營四門門五十四神合二百一十六神外營
四門門百八神合四百三十二神皆背營內鄉中營四
門門封神四外營四門門封神四合三十二神凡千五
百一十四神營卽墳也封封土築也背中營神五星也
及中宮宿五官神及五嶽之屬也背外營神二十八宿
外營星雷公先農風伯雨師四海四瀆名山大川之屬
也至七年五月詔三公曰漢當郊堯其與卿大夫博士
議時侍御史杜林上疏以爲漢起不因緣堯與殷周異
宜而舊制以高帝配方軍師在外且可如元年郊祀故
事上從之語在林傳隴蜀平後乃增廣郊祀高帝配食
位在中壇上西面北上天地高帝黃帝各用犢一頭青
帝赤帝共用犢一頭白帝黑帝共用犢一頭凡用犢六
頭日月北斗共用十一頭四營羣神共用牛四頭凡用
牛五頭凡樂奏青陽朱明西皓元冥及雲翹育命舞中
營四門門用席十八枚外營四門門用席三十六枚凡

東漢書要 卷三
用席二百一十六枚皆莞簟率一席三神日月北斗尤
陛郭醜既送神燼俎實於壇南已地

臣天麟按三代祭祀之禮至秦泯絕无餘漢興之初
君子固望其復古矣而考之于史有可憾者自高祖
因秦四時立黑帝祠而雍五時之祠始具至文帝十
五年始行親郊之禮又用新垣平言立渭陽五帝廟
亦視郊拜焉及平以詐誅乃不復親祠而使有司以
時致禮其後武帝又立后土祠于汾陰立泰一祠於
甘泉是于甘泉泰一汾陰后土與雍五時之祠間歲
迭舉而莫有設其非者成帝卽位丞相匡衡御史大
夫張譚奏言周文武郊于豐鄠成王郊于雒邑天隨
王者之居而向之甘泉泰時河東后土之祠宜可徙
置長安議者王商師丹翟方進等亦以爲聖王祭天
地必於國郊甘泉河東之祠非神靈所享天子從之
於是始定長安南北郊建始二年合祭天地而甘泉
汾陰五時陳竇諸祠皆罷焉其後惑于禍福或復或
罷迄于元始而王莽復奏宜如建始時復南北郊如
而莽又頗改其祭禮謂周禮祀天地之樂有別有合

東漢書要 卷三
故以正月上辛若丁天子親合祀天地于南郊而以
冬夏日至使有司別祀天地于南北郊平帝雖可其
奏而不及躬行其禮世祖中興制兆于洛陽城南頗
采元始故事凡配食之位壇營之次神示之兆牲犢
之數秩然有序其亦幾于古矣然中元之初又營元
郊于雒城之北而別祀地祇焉則是天地之祠復析
爲二也且五嶽四海四瀆名山大川之神旣已列敘
於南郊矣今北郊又復奉祀禮煩則亂事神則難其
斯之謂歟班固作郊祀志而備載元始之制亦可見
其不以廢言也

封禪

建武三十年張純等上言上卽位三十年宜封禪曰自
古受命而帝治世之隆必有封禪以告成功焉樂動聲
儀曰以雅治人風成于頌有周之盛成康之間郊配封
禪皆可見也書曰歲二月東巡狩至於岱宗柴則封禪
之義也臣伏見陛下受中興之命平海內之亂修復祖
宗撫存萬姓天下曠然咸蒙更生恩德雲行惠澤雨施
黎元安寧夷狄慕義詩云受天之祜四方來賀今揖提

東漢書要 卷三
之歲蒼龍甲寅德在東宮宐及嘉時遵唐虞之典繼孝
武之業以二月東巡狩封于岱宗中明興勳功勳復祖
統報天神禪梁父祀地祇傳祚子孫萬世之基業也詔
曰卽位三十年百姓怨氣滿腹吾誰欺欺天乎曾謂太
山不如林放何事汙七十二戊之編錄桓公欲封管仲
非之若郡縣遠遣吏上壽盛稱虞美必髡兼合屯田從
此羣臣不敢復言三月上幸魯過太山告太守以上過
故承詔祭泰山及梁父時虎賁中郎將梁松等設記曰
齊將有事泰山先有事配林蓋諸侯之禮也河嶽視公
侯王者祭焉宜无卽事之漸不祭配林三十二年正月
上齊夜讀河圖會昌符曰赤劉之九會命岱宗不慎克
用河益于承誠善用之奸僞不萌感此文乃詔松等復
案索河雒讖文言九世封禪事者松等列奏乃許焉初
武帝欲求神仙以扶方者言黃帝由禪封而後仙于是
欲封禪封禪不常時人莫知元封九年上以方士言作
封禪器以示羣儒多言不合于古于是罷諸儒不用三
月上東上泰山乃上石立之泰山顛遂東巡海上求仙
人无所見而還四月封太山恐所施用非是乃秘其事

東漢書 卷三
語在漢書郊祀志上許梁松等奏乃元封時封禪故
事議封禪所施用有司奏當用方石再累置壇中皆方
五尺厚一尺用玉牒書藏方石牒厚五寸長尺三寸廣
五寸有玉檢又用石檢十枚列于石傍東西各三南北
各二皆長三尺廣一尺厚七寸檢中刻三處深四寸方
五寸有蓋檢用金縷五周以水銀和金以爲泥玉璽一
方寸二分一枚方五寸石四角又有距石皆再累枚長
一丈厚一尺廣二尺皆在圓壇上其下用距石十八枚
皆高三尺厚一尺廣二尺如小碑環壇立之去壇三步
距石下皆有石跗入地四尺又用石碑高九尺廣三尺
五寸厚尺二寸立壇丙地去壇三丈以上以刻書上以
用石功難又欲及二月封故詔松欲因故封石空檢更
加封而已松上疏爭之以爲登封之禮告功皇天垂後
無窮以爲萬民也承天之敬尤宜章明奉圖書之瑞尤
宜顯著今因舊封竄寄玉牒故石下恐非重命之義受
命中興宐當特異以明天意遂使泰山郡又魯趣石工
宐取全青石尤必五色時以印工不能刻玉牒欲用漆
書之會求得能刻玉者遂書書秘刻方石中命容玉牒

二月上至奉高遣侍御史與蘭臺合史將工先上山刻石文曰惟建武三十有二年二月皇帝東巡狩于岱宗柴望秩于山川班于羣神遂觀東后從臣太尉熹行司徒事特進高密侯禹等漢賓二王之後在位孔子之孫褒成侯序在東后蕃王十二咸來助祭河圖赤伏符曰劉秀發兵捕不道四夷雲集龍閉野四七之際火爲主河圖會昌符曰赤帝九世巡省得中治平則封誠合帝道孔矩則天文靈出地祇瑞興帝劉之九會命岱宗誠善用之奸僞不萌赤漢德興九世會昌巡岱皆當天地扶九崇經之常漢大興之道在九世之王封于泰山刻石著紀禪于梁父退省考五河圖合古篇曰帝劉之秀九名之世帝行德封刻政河圖提劉子曰九世之帝方明聖持衡拒九州平天下子雒書甄曜度曰赤三德昌九世會修符合帝際勉刻封孝經鉤命決曰予誰行赤劉用帝三建孝九會修專茲竭行封岱清河雒命后經識所傳昔在帝堯聰明密微遜與舜庶後裔握機干莽以舅后之家三司鼎足冢宰之權勢依託周公霍光輔幼歸政之義遂以篡叛僭號自立宗廟隳壞社稷喪

亡不得血食十有八年揚徐青三州首亂兵革橫行延
及荊州豪傑并兼百里屯聚往往僭號北夷作寇千里
無煙無雞狗吠之聲皇天睠顧皇帝以匹庶受天命中
興年二十八載興兵起是以中次誅討十有餘年罪人
則斯得黎庶得居爾田安兩宅書同文車同軌人同倫
舟輿所通人跡所至靡不貢職建明堂立辟雍起靈臺
設庠序同律度量衡修五禮五玉三帛二牲一死贄吏
各修職復于舊典在位三十有二年年六十二乾乾日
昃不敢荒寧涉危歷險親巡黎元恭肅神祇惠恤耆老
理庶遵古聰允明恕皇帝唯謹河圖洛書正文是月辛
卯柴登封泰山甲午禪于梁陰以承靈瑞以爲兆民永
茲一字垂于後昆百僚從臣郡于師尹咸蒙祉福永永
無極秦相李斯燔詩書樂崩禮壞建武元年已前文書
散亡舊典不具不能明經文以章句細微相况八十一
卷明者爲驗又其十卷皆不昭哲子貢欲去告朔之餼
羊子曰賜也爾愛其羊我愛其禮後有聖人正失誤刻
石記二十二日辛卯晨燎祭天于泰山下南方羣神皆
從用樂如南郊諸王王者後二公孔子後褒成君皆助

祭位事也事畢將升封或曰太山雖已從食於柴祭今親告功宜有禮祭于是使謁者以一犧牲于常祠泰山處告祠泰山如親耕軀劉先祠先農先虞故事至食時御輦升山日中後到山更衣早晡時即位于壇北面羣臣以次陳後西上畢位升壇尚書令奉牒玉檢皇帝以寸二分璽親封之訖太常命人發壇上石尚書令藏玉牒已復石覆尚書令以五寸印封石檢事畢然皇帝再拜羣臣稱萬歲命人立所刻石碑乃復道下二十五日甲午禪祭地于梁陰以高后配山川羣神從如元始中北郊故事四月己卯大赦天下以建武三十二年為建武中元元年復博奉高靈勿出元年租芻藁以吉日刻玉牒書函藏金匱璽印封之乙酉使太尉行事以特告至廟高太尉奉匱以告高廟藏于廟室西壁石室高主室之下

張統傳及祭祀志

范曄論曰嘗聞儒言三皇無文結繩以治自五帝始有書契至于三王俗化彫文詐偽漸興始有印璽以檢奸萌然而未有金玉銀銅之器也自上皇以來封泰山者至周七十二代封者謂封土為壇柴祭告天代興成功

東漢會要 卷三
也禮記所謂因名山升中于天者也易姓則改封者著
一代之始明不相襲也繼世之王巡狩則修封以祭而
已自秦始皇孝武帝封太山本由好仙信方士之言造
爲石檢印封之事也所聞如此雖誠天道難可度知然
其大較猶有本要天道質誠約而不費者也故牲有犢
器用陶匏殆將无事于檢封之間而樂雖攻之石也且
唯封爲改代故岱宗夏康周宣由廢復興而不聞改封
世祖欲因孝武故封實繼祖宗之道也而梁松固爭以
爲必改乃當夫旣封之後未有福而松卒被誅死雖罪
由身蓋亦誣神之咎也且帝王所以能大顯于後者實
在其德加于民不聞其在封矣

祭祀志

臣夫麟按虞書載舜巡狩岱宗柴望告祭蓋所以尊
天而懷柔百神初未始有檢玉泥金之事也後世學
禮者失其傳于是封禪之說興焉管仲答齊桓公以
爲占封禪者七十二家皆受命然後得封禪其說旣
已不經至漢皇漢武夸張治功爲衒世輝俗之舉然
卒無補于治道光武中興初以大義却羣臣之請似
稍義禮者然卒惑于譏緯之文矣張純梁松又從而

東漢會要 卷三
附會之固不逃于識者之譏矣然武帝始與羣臣議封禪皆以禮典曠絕莫知其儀體乃盡罷諸儒弗用而率意行之不過如郊祀太一之禮及建武親升告功又特講求元封故事則知一君雖修舉曠典而威儀文物實出于私意之所裁定未嘗稽合于古聖之典是以言禮者無取焉

東漢會要卷四

宋

徐

天

麟

撰

禮二 吉禮

北郊

光武中元元年初營北郊在落陽城北四里爲方壇四陛明年正月辛未郊別祀地祇位南面西上高皇后配西面北上皆在壇上地理羣神從食皆在壇下如元始中故事中嶽在末四嶽各在其方孟辰之地中營內海在東四瀆河西濟北淮東南它山川各如其方皆在外

營內四陞醜及中外營門封神如南郊地祇高后用犢
各一頭五嶽共牛一頭海四瀆共牛一頭羣神共牛二
頭奏樂亦如南郊既送神瘞俎實于壇北

祭祀志

明堂

辟雍

靈臺

光武中元元年初營明堂辟雍靈臺未用事明帝卽位
永平二年正月辛未初祀五帝于明堂光武帝配五帝
坐位堂上各處其位黃帝在未皆如南郊之位光武帝
位在青陽之南少退西面牲各一犢帝及公卿列侯始
服冠冕衣裳玉佩鈎履以行事奏樂如南郊禮登畢靈

臺使尙書令持節詔驃騎將軍三公曰今合月吉日宗
祀光武皇帝于明堂以配五帝禮備法物樂和八音詠
祉福舞功德其班時合勅羣后事畢升靈臺望元氣吹
時律觀物變羣僚藩輔宗室子孫衆郡奉計百蠻責職
烏桓滅貊來助祭單于侍子骨都侯亦皆陪位斯固聖
祖功德之所致者也朕以闇陋奉承大業親執圭璧恭
祀天地仰惟先帝受命中興撥亂反正以寧天下封泰
山建明堂立辟雍起靈臺恢宏大道被之八極而嗣子
无成康之質羣臣无呂旦之謀盥洗進爵踧踏惟慚素

性頑鄙臨事益惧其令天下自殊死以下皆赦除之百僚師尹其勉修厥職順行時令敬若昊天以綏兆人三月臨辟雍初行大射禮祭祀志又本紀

永平八年臨辟雍養三老五更

章帝建初三年正月宗祀明堂禮畢登靈臺望雲物

元和二年二月幸泰山柴告岱宗進幸奉高壬申宗祀

五帝于汶上明堂

本紀詳見雜祭祀條

和帝永元五年祀五帝于明堂遂登靈臺望雲物

永元十四年臨辟雍饗射

順帝陽嘉元年臨辟雍饗射

二年十月行禮辟雍奏應鍾始復黃鍾作樂器隨月律

永和元年宗祀明堂登靈臺改元大赦

漢安元年正月癸巳宗祀明堂大赦改元

靈帝熹平六年十月帝臨辟雍並紀

明堂及靈臺各一人掌守明堂靈臺掌候日月星氣

皆屬太史

百官志

宗廟

光武帝建武二年正月立高廟于雒陽四時禘祀高祖

爲太祖文帝爲太宗武帝爲世宗如舊餘帝四時春以正月夏以四月秋以七月冬以十月及臘一歲五祀三年正月立親廟雒陽祀父南頓君以上至春陵節侯時寇賊未夷方務征伐祀儀未設至十九年盜賊討除戎事差息于是五官中郎將張純與太僕朱浮奏言禮爲人後者則爲之子既事太宗

太宗謂元帝

則降其私親今禘

祫高廟陳序昭穆而春陵四世君臣並列以卑廁尊不合禮意昔高帝以自受命不由太上宣帝以後孫祖不敢私親故爲父立廟獨羣臣侍祠臣愚謂宜除今親廟以則二帝舊典願下有司博採其議詔下公卿大司徒戴涉大司空竇融議宜以宣元成哀平五帝四世代今親廟宣元皇帝爲尊祖父可親奉祠成帝以下有司行事別爲南頓君立皇考廟其祭上至春陵節侯羣臣舉祠以明尊尊之敬親親之恩時議有異不著上可涉等議詔曰以宗廟處所未定且祫祭高廟其成哀平且祠祭長安故高廟其南陽春陵歲時各且因故園廟祭祀園廟去太守治所遠者在所合長行太守事侍祠惟孝宣帝有功德其上尊號曰中宗于是雒陽高廟四時加

祭孝宣孝元凡五帝其西廟成哀平三帝主四時祭于
故高廟東廟京兆尹侍祠冠衣車服加太常祠陵廟之
禮南頓君以上至節侯皆就園廟南頓君稱皇考廟鉅
鹿都尉稱皇祖考廟鬱林太守稱皇曾祖考廟節侯稱
皇高祖考廟在所郡縣侍祠

張純
祭祀

光武皇帝崩明帝即位以光武帝撥亂中興更為起廟
號曰世祖廟以元帝于光武為穆故雖非宗不毀也後

遂為常祭祀
志

明帝永明三年十月蒸祭光武廟初奏文始五行武德

之舞詳見
樂類

明帝臨終遺詔遵儉无起寢廟藏主于光烈皇后更衣

別室志云光武
廟更衣孝章即位有司奏言孝明皇德聖德淳

茂功烈光于四海仁風行于千載而深執謙謙无起寢

廟掃地而祭除日祀之法省送終之禮遂藏主于光烈

皇后更衣別室臣以為更衣在中門之外處所殊別宜

尊廟曰顯宗其四時禘祫于光武之堂閒祀悉還更衣

共進武德之舞如孝文皇帝祫祭高廟故事制曰可紀

章帝臨崩遺詔無起寢廟廟如先帝故事和帝即位不

敢違上尊號曰肅宗後帝承尊皆藏主于世祖廟積多
無別是後顯宗但爲陵寢之號永中和帝追尊其母
梁貴人曰恭懷皇后陵以寶后配食章帝恭懷皇后別
就陵寢祭之初有司奏言孝章皇帝崇宏鴻業德化普
洽垂意黎民留念稼穡文加殊俗武暢方表戒惟人面
無思不服巍巍蕩蕩莫與比隆周頌穆於穆清廟肅雍
顯相請上尊廟曰肅宗共進武德之舞制曰可本紀及
祭祀志
和帝崩廟號穆宗本紀
殤帝生三百餘日而崩鄧太后以尙嬰孩故不列于廟

就陵寢祭之而已祭祀志

安帝以清河孝王子卽位建光元年追尊其祖母宋貴
人曰敬隱后陵曰敬北陵亦就陵寢祭太常領如西陵
追尊父清河孝王曰孝德皇母曰孝德后清河嗣王奉

祭而已同上

安帝以讒害大臣廢太子及崩無上宗之奏後以自建
武以來無毀者故遂常祭因以其陵寢之號而稱恭宗

祭祀志
下同

順帝卽位追尊其母曰恭愍后陵曰恭北陵就陵寢祭



如敬北陵

順帝崩有司奏言孝皇帝宏秉聖哲龍興統業而稽乾則古欽奉鴻烈寬裕晏晏宣恩以極躬自菲薄以崇元默遺詔貽約願念萬國衣無製新玩好不飾塋陵損狹不起寢廟遵履前制敬勅慎終有始有卒孝經曰愛敬盡于事親而德教加于百姓詩云敬慎威儀惟民之則臣請上尊號曰敬宗廟天子世世獻奉藏主祫祭進武德之舞如祖宗故事露布奏可

東觀漢記

冲帝質帝皆小崩梁太后以殤帝故事就陵寢祭凡祠

廟訖三公分祭之

祭祀志

桓帝以河間孝王孫蠡吾侯即位亦追尊祖考王國奉

祀八王傳

桓帝崩上尊號曰威宗無嗣靈帝以河間孝王曾孫解

續侯即位亦追尊祖考

祭祀志

靈帝時京都四時所祭高廟五主世祖廟七主少帝三

陵追尊后三陵凡牲用十八太牢皆有副倅故高廟三

主親毀之後亦但殷祭之歲奉祠

決疑要注曰毀廟主藏廟外戶之外西牖

之中有石函名曰宗祏函中有筭以盛主親盡則廟毀毀廟之主藏于始祖之廟一世為祧祧猶四時祭之二

東漢書卷四
世爲壇三世爲墀四世爲鬼
祿乃祭之有禱亦祭之並志

初平中蔡邕等以和帝以下功德無殊而有過差不應
爲宗及餘非宗者追尊三后皆奏毀之四時所祭高廟
一祖二宗及近帝四凡七帝古不墓祭漢諸陵皆有園
寢承秦所爲也說者以古宗廟前廟後寢以象人之后
前有朝後有寢也月令先薦寢廟詩寢廟奕奕言相迓
也廟以藏主四時祭寢有衣冠几杖象生之具以薦新
物秦始出寢起于墓側漢因不改故陵上稱寢殿起居
服象生人之具古寢之意也

祭祀志

梁太后臨朝以殤帝幼崩廟次宜在順帝下太常馬訪
奏宐如詔書諫議大夫呂勃以爲應依昭穆之序先殤
帝後順帝詔下公卿大鴻臚周舉議曰春秋魯閔公无
子庶兄僖公代立其子文公遂躋僖公于閔上孔子譏
之書曰有事于太廟躋僖公傳曰逆祀也及定公正其
序經曰從祀先公爲萬世法也今殤帝在先于秩爲父
順帝在後于親爲子先後之義不可改昭穆之序不可
亂呂勃議是也太后從之遂下詔曰孝殤皇帝雖不永
休祚而卽位踰年君臣禮成孝安皇帝承襲統業而前

世遂合恭陵在康陵上先後相踰失其次序非所以奉
宗廟之重垂无窮之制昔定公追正順祀春秋善之其
合恭陵次康陵憲陵次恭陵以序親秩爲萬世法

周舉傳及

本紀

獻帝元初二年有司奏議宗廟迭毀左中郎將蔡邕議
曰漢承秦滅學之後宗廟之祭不用周禮每帝卽世輒
立一廟不止于七不列昭穆不定迭毀孝元帝時丞相
匡衡御史大夫貢禹始建大議請依典禮孝文孝武孝
宣皆以功德茂盛爲宗不毀孝宣尊崇孝武廟稱世宗

中正大臣夏侯勝猶執異議不應爲宗至孝成皇帝議
猶不定太僕王舜中疊校尉劉歆據經傳義處不可毀
上從其議古人據正重順不敢私其君父如此其至也
後遭王莽之亂光武皇帝受命中興廟稱世祖孝明皇
帝政參文宣廟稱顯宗孝章皇帝至孝烝烝仁恩博大
廟稱肅宗皆方前世得禮之宜自此以下政事多釁權
移臣下嗣帝殷勤各欲褒崇至親而臣下懦弱莫敢執
夏侯之值今朝廷遵古復禮以求厥中誠合事宜孝元
皇帝世在第八光武皇帝世在第九故以元帝爲考廟

尊而奉之孝明尊述亦不敢毀孝和以下穆宗威宗之號皆宜省去五年而再殷祭祫食于太祖以遵先典議

遂施行

袁紀及志注

臣天麟按古者天子七廟三昭三穆與太祖之廟而七其制則外爲都宮太祖在北三昭三穆以次而南周以后稷始封文武受命而王是以三廟不毀與親廟四而七非有后稷始封文武受命之功者皆當五廟而迭毀親親之殺示有終也西都草創禮制缺畧諸帝之廟各自居陵旁立之其都宮之制昭穆之位

不復如古然猶不失獨專一廟之尊也郡國之立祖宗廟京師之立原廟雖背經違古然猶幸罷廢于中世之後也元帝時貢禹建佚毀之議韋元成匡衡劉歆等考据明白本末具在世祖中興固望其一正典禮合先王七廟之制度考之于史建武所立親廟四言者首議其非永平所立世祖廟又與高廟異處無復昭穆之序明帝臨終遺詔藏主于光烈皇后更衣別室章帝而下莫敢或違徒務爲抑損之私而不知禮義之正末年遂至高廟五主世祖廟七主其瀆亂

東漢書 卷四
不經未有如是之甚者噫東都儒者如張純朱浮曹
褒鄭元之儔皆號稱明習典禮而獨不能復古人七
廟之制魏晉循之遂不能革而先王宗廟之禮始盡
廢矣惜哉

禘祫





建武十八年光武幸長安詔太常行禘禮于高廟序昭
穆父爲昭南向子爲穆北向二十六年有詔問張純禘
祫之禮不施行幾年宜據經典詳爲其制純奏禮三年
一祫五年一禘春秋傳曰大禘者何合祭之毀廟之主
陳于太祖未毀廟之主皆升合食太祖五年再殷祭漢
舊制三年一祫毀廟主合食高廟存廟主未嘗合祭元
始五年諸王公列侯廟會始爲禘祭又建武十八年親
幸長安亦行此禮禮說三年一閏天氣小備五年再閏
天氣大備三年一祫五年一禘父爲昭南向子爲穆北
向父子不並坐而孫從王父禘之爲言諦諦諛昭穆尊
卑之義也禘祭以夏四月陽氣在上陰氣在下故正尊
卑之義也祫祭以冬十月五穀成熟物備禮成故合聚
飲食也斯典之廢于茲八年謂可如禮施行以時定議

東漢書 卷四
上難復立廟遂以合祭高廟爲常後以三年冬祫五年
夏祫之時但就陳祭設廟主而已謂之殷太祖東面惠
文武元帝爲昭景宣帝爲穆惠景昭三帝非殷祭時不
祭自是禘祫遂定

志及張
純傳

章帝建初七年八月飲酎高廟禘祭光武皇帝孝明皇
帝甲辰詔書云祖考來格明哲之祀于末小子質又菲
薄仰惟先帝烝烝之情前修禘祭以盡孝敬朕得識昭
穆之序寄遠祖之思今年大禮復舉加以先帝之坐悲
傷感懷樂以迎來哀以送往雖祭亡如在而虛空不知

所裁庶或享之豈亡克謹肅雍之臣辟公之相皆助朕
之依依今賜公錢四十萬卿半之及百官執事各有差
紀



天保中

